

Si no introduci ley pa compensacion "Sales Tax" lo bira un carga grandi pa comunidad

ORANJESTAD (AAN) — Den e ronda di pregunta, durante e conferencia di prensa di Camara di Comercio, señor Leo Maduro a splica relaciona cu introduccion di "sales tax", cu gobierno a laga sa cu nan tin e firme compromiso di percura cu reduccion di inkomstenbelasting, winsbelasting, y tur e cambionan legal cu mester sosode prome cu 1 di Januari 2007, pa acompaña e introduccion di ley di BBO lo ta na tempo.

No obstante, nos ta mitad di October y e aspectonan aki no ta "in place" aworaki mientras cu mescos cu e ley di BBO e otro cambionan tambe mester cana e caminda legal, y si nan ta cuminsa awor nan no ta bay keda cla. E señal cu tin for di gobierno aworaki ta cu e aspectonan aki no ta cla ainda pa cana nan caminda legal. Segun Leo Maduro si no yega cerca di un "deadline" cu si den tal fecha, probablemente na November, e proceso no cuminsa cana gobierno lo no por ta cla prome cu 1 di Januari, y nos por haya manera Curacao, cu nan a introduci un ley y e otro parti cu nan cu nan a priminti cu ta compensa den dje no ta keda cla, y e ora e pregunta grandi ta keda ki dia e ta keda cla, pasobra e ora ey nos pueblo ta haya su mes den un situacion indesea y contrario na loke a ser priminti tambe, ya cu e "sales tax" lo bira un carga grandi pa comunidad.

CONVERSACION NA NIVEL TECNICO:

Edwin Roos a trece acerca, cu KvK ta den conversacionnan tecnico cu tur organizacion. Esaki kiermen cu tur e departamentonan cu ta responsable cu introduccion di e ley menciona. E conversacion aki ta bay bon, pero esaki ta e parti cu no ta clarifica pasobra nan ta decision politico cu mester worde tuma door di gobierno, pero nan no tin ningun bista riba ki dia e ta worde tuma ni kico e ta bay ta.

E conversacion cu tin riba nivel ambtenaar ta tambe e informacion cu ta worde comparti cu e gremionan y tur hende cu ta interesa. Segun Roos, e personanan aki ta hopi receptivo y nan ta haciendo nan PR hopi profesional.

IMPACTO: "Sales tax" ta bay tin impacto riba tur faceta di hacimento di negoshi. Asina sr. Edwin Roos a indica. El a señala cu e servicionan cu nan ta tuma di otro empresa of instancia, tur ta bay bira mas caro y pesey e

no ta solamente e 3% cu gobierno a calcula, pero e lo bira 5% of mas adicional riba e inflacion normal cu nos pais tin caba.

Tambe, el a reitera educacion comercial (cu no ta school basico, secundario, etc.) pero cursonan priva cu ta cobra pe, lo bira mas caro door cu BBO lo conta pa nan tambe.

REFORMACION DI BELASTING:

Presidente di KvK a señala cu Camara di Comercio nunca por bay contra reformation di belasting. Esaki ta algo cu nan a pone den nan conseho pa gobierno durante dos epoca sigui di eleccion, pa formacion di gobierno.

Pero reformation di belasting ta toca tur impuesto y no un aspecto so. Tambe KvK ta papia semper pa move di "impuesto directo pa indirecto". Esaki kiermen cu no ta introduci un impuesto indirecto nobo, y banda di dje no tin e otro aspectonan di compensacion.

El a agrega cu reformation di

impuesto tambe tin di haber cu administracion como tal. Sr. Roos ta haya cu pakico no simplifica e parti di e trabao mas grandi cu ta inkomstenbelasting y loonbelasting. El a splica cu mayoria di hende na Aruba nan inkomstenbelasting ta basa riba un solo salario of dos, pero den un famia por ta nan tin un hipoteca di cas y/of auto y esey ta tur.

Anto di con e loonbelasting cu ya caba ta paga y a worde administra door di e dunador di trabao, no ta worde considera automaticamente como e trahador su inkomstenbelasting, y esnan cu ta kere cu nan tin cu haya bek algo adicional, esey nan so ta yena e formulario di impuesto. E ora ey lo spaar hopi trabao, pasobra tur e 40 y pico mil formularionan di e contribuidornan cu tin na Aruba, mester worde controla y si bin cu controlnan cu ta worde rekeri acerca door di BBO, por calcula cu mester tin mas hende pa traha, y esey den e idioma di KvK no ta un reformation.

COSTO DI BIDA:

Señor Edwin Roos a subraya tambe, cu reformation di belasting no mester por ta un

aumento di costo di bida pero un "budget" neutral pa cada ciudadano Arubano. Kiermen, loke e ciudadano ta paga menos di un banda ta paga mas di otro banda, y ta dune ademas, escogencia riba loke e kier paga. Esaki den sentido cu si e persona no kier paga cierto belasting, e no ta tuma e servicio ey. Esaki ta algo cu KvK a bisa semper y lo keda insisti riba dje.

"E mester ta si un amplificacion di e base unda bo ta cobra. Y nos ta kere cu e sistema cu a worde scogi no ta beneficia pa amplia e base, pasobra esnan cu actualmente no ta aportando cu e sistema nobo no necesariamente ta bay aporta, y no den locual nan ta haci", sr. Roos a menciona.

El a compara e sistema aki cu e sistema Europeo: BTW (balor agrega) unda ta cobra e belasting riba e parti cu a worde agrega na e servicio of na e producto, y e ora ey e ciudadano por sa semper for di unda e producto basico ta bin, y asina henter e cadena di comercio ta worde poni visible pa belastingdienst.

Tin relatonan cu a worde manda pa gobierno tocante esaki, pero KvK ta haya lastima cu nan no a haci uso di esakinan.

AWOR SI MI POR WAAK MAS!!

SI NO TA PA E MISION DI MILAGROSO
CU TA OPERA BO BISTA PORNADA
NA VENEZUELA, HAMAS LO MI A
BIN HAYA SA KIKO TAWATA STROBA-
MI DI WAAK E REALIDAD!!



BEST DEAL

Tel: 5827100

(Pariha di Aruba Bank, Paradera)

BEST SHOPPING DEAL

Turibana Plaza

Tel: 5865455



Baby Walker
(Bon calidad) a jega
NOBO NOBO